

Buna sira, munsû e madami,
buna sira, fanciòt e masnà;
av salût, car papà e car mami,
av salût coi pastûr d'ra mè cà.

N'atra anàda urmaï l'è pasàja:
l'ha purtà d'j pastûs e der gron-ni,
d'culi chêrti diràji du smon-ni,
e der j'atri ch'j von semp anòn.

Da 'n mejsòt u j'è tûti er butèghi
con i ciâr anviscà 'nt er vedren-ni
pen-ni 'd tonç bei afè, bèlia pen-ni,
e i rigàl, basta 'n mache crumpè.

E crumpònda us pò vènsi anche in auto
o magàra 'nche 'na biciclêta...
ch'a l'è nenta 'n gasês, 'na s-ciupêta:
l'è 'n afari ch'u bsò pedalè.

S. Lurèns: it rigàlu la roba,
cui ed l'Arco it la tîru 'nche drèra,
da per tût l'è semp cula manèra
bàsta 'n mache ch'ùj vaga d'ra gent.

E j m'hon dicc che sta prûma Curs Rûma
u sarrà cmè 'n giardèn con el bonchi:
per setès, pr'el person-ni 'n pò stonchi
ch'j son stuf ad stè 'n bonca a spiciè.

Con 'si siòperi, tûcc 'si bancàri
j'hon rangià tonta gent per el festi,
e pensè ch'j'hon ben pochi richiesti,
tont ch'el paga l'è semp Pantalòn.

E i dutûr di uspidàl 'd tût Italia
con u siòpero j rôngiu 'l facèndi:
lur j ciàpu listês u stipèndi,
e ch'el paga l'è semp Pantalòn.

Con el calcio l'Italia ant ra Spagna
l'ha mustrà ch'j'uma 'd cui che s'is bitu,
j son j'ùnich al mond, j son drìtu,
basta 'n mache fè 'l robì coi pè.

Dop d'anlùra j'hon facc der partèji
che us sa nent se da piònsi o da rèji,
e 'd bei gol j n'hon facc propi pû
nè coi pè, nè col mon, nè...

D'isti temp u j'è 'n gir del fièti:
vèsti còrti o sednò j'hon er bràji
o trop strenci o trop còrti o 'nversà
e j causèt j son tûcc ciaputà;

ant i pè, pò j'hon certi scarpèti
cmè 'd metàl, e dadnòn e da drèra,
j son scarpi, ma j sméju 'd lamèra:
quond ch'is ròmpu j'andròn da u tulè.

La Sofia l'è 'mnìa an Italia:
a l'è 'ndàcia a finì 'n gavardon-na
perchè l'ava sfrusà, a la bon-na,
a so pû quonç miliòn o miliàrd.

A l'è stàcia cuc di 'nt ina "cella":
in salotto mudèrn, at che càster,
la mangiàva anlòt e pulàster,
l'ava tûti 'l so comudità.

S'im tratèjsu 'nche me cmè la Loren
um piasrèis fina me 'ndè là 'n drènta
ma j'ho pòura ch'um cunvèna nènta:
ch'j'aba 'n mac da ciapèm del svarslà

El Falkland j son degli isulèti
propì citi, 'na spana o du 'd tèra:
l'Argentina an con l'Inghiltèra
per avèji is son pià per el col.

E nent jèn ch' l'aurìjsa mulèji
j'hon parlà, j'hon crià, j'hon sparà,
tût el mond l'era lè a uardèji
se ch'j fàvu cui quatr'ambalsmà.

Tra l' Iran e l' Iràk, an Oriente,
us capis nènta ben sè ch' j fàsu:
l' è cuc ani ch' j spàru e ch' is màsu,
ma ' nche lur dis ch' j vòru la pàs.

An Pulonia u j' è Skarusèlschi
generàl, ampurtònt, jèn ch' el cmònda:
el govèrna arestònda e picònda,
ma ' nche lù dis ch' u' l fa per la pàs.

Israèle... u smiàva pacifich:
tût tranquil, tût a post, tût magnific!
coi sò vsèn is son pià per i stràs
con tònç mort e ferì, at che pàs!

L' Argentina d' ancò: pas o guèra?
l' è da ' n pò ch' j na tìru pù ' d bòmbi,
ma j son drèra a truvè tròpi tombi,
pen-ni ' d mort... ch' j son mort per la pas.

I govèrn dis ch' j vòru la pace,
e i la vòru da bon ans ra tèra,
i son fina dispost a ra guèra
per fè vighi ch' j voru ra pas.

A l' è nent propi cul el mesàgi
ch' l' ha purtà u siùr Mesia ' ns ra tèra:
chì j cunfòndu ra pas con ra guèra
e ' l vò dì ch' j' hon capì nent du tût.

Cula pas la vò dì armunìa,
la vò dì auris ben tûç nuiàter
e purtè u nost amùr anche a j àter,
al person-ni ch' u j' è ' n tût er mond.

Cmè ch' el fa tonti voti u nost Papa
con i pòpul ch' u j' è ' ns tût ra tèra,
coi pacifich e con cui an guèra,
a l' aurèjs da pertût pas e amùr.

E augûronda ra pas ans ra tèra,
a cmensùma Gilindu, e vija:
dès ùj ven j pastùr d' ra famija
e a fùma Gilindu per voi.